



Projet promovût di 'La Vòs dai Furlans' e 'ARLeF'

Lu saveviso che...?

# MAMAN

la VÒS dai FURLANS

La cjançon de setemane



Al è rot il cjalderuç, al è spandût dut il café  
Joi joi se e sa mê mari, ce mai sarà di me?

Cjantin insieme "Cjalderuç" su



...in Friûl a vivevin i Langobarts, un popul "cu lis barbis lungjis" rivât de Europe dal Nord viers la fin dal secul VI. A vevin sienzût Cividât tant che capitâl dal lôr ducât e a àn dât il non a tancj paîs che a esistin ancjemò vuê, come Fare, Cjopris o San Zorç da la Richinvelde. Sêso curios di savê cemût che e jere la vite in chês volte? Alore lait a Romans dal Lusinç, dulà che tal mê di Jugn si fâs la rievocazion storiche **Romans Langobardorum**, o viodarês cemût che a vivevin e che a combatevin!




Foto Invicti Lupi amok@photo

Cumò fâs tu!


Trops sono?

Conte i elements e scrîf il numar chi sot.



LES IMAGES A SON GÉNÉRÉS PAR FREEMAKE.COM - HTTPS://ARLEF.IT/

Piture il dissen



Une frute langobarde e torne a cjase dopo il prin di di scuele e la mame i domande: "Ce âstu imparât vuê?"  
E la frute i rispuint: "No avonde, a àn dit che o ai di tornâ ançe doman!"

Ridi a plene panze!

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? **Cirilîs su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

## STELIS E LUSIGNIS Noa



**Roc.** In amôr tu stâs une vore ben cun cui che tu âs dongje. Chest ti fâs vivi in ligrie.



**Gjambar.** Tu preferissis no fevelâ cun chei altris dai tiei problemis, no je la strade plui comude.



**Balance.** Viôt di vê plui cure dal to cuarp. Tal lavôr sclarissiti cui coleghis suntune cuistion che e je restade ingropade.



**Bec di mont.** Tu stâs frontant cuistions une vore griviis in famee. No stâ a imponi masse il to volê.



**Taur.** Il cjâf al svole indaûr tal timp, tu ti impensis di personis che no tu viodis di un pieç: e je ore di clamâlîs.



**Leon.** Tal lavôr tu stâs frontant cuistions imberdeadis, ma tal amôr e je dute une altre musiche.



**Sgarpion.** La int par denant ti riduce e par daûr e fevele mâl di te, no stâ a cjapâte e mostre di jessi plui fuart di duçj.



**Agarûl.** Tal lavôr tu rivis a meti in pratiche lis tôs cognossincis e i coleghis ti disin gracie.



**Zimui.** Tu sês sflandorôs, plui tal lavôr che tal amôr, ma l'an che al ven dut al cambie.



**Vergjine.** Lis stelis no ti judin e dentri di te ti fasin ingrumâ une vore di pinsîrs bruts.



**Sagjitari.** No stâ a cirî lusignis e reste cui pîts par tiere, come che tu âs za fat timp indaûr.



**Pes.** Sta plui dongje a fradis e amis parcè che a podaressin dâti il consei just.

